

ՀԱՅԱՍՏԱՆ

Հոկտեմբերի 10, 2023

Առանցքային տվյալներ.



100,632

փախստական է եկել Հայաստան



98,000

փախստական հաշվառվել է պետական մարմիններում



48,649

փախստականի ժամանակավոր կացարան է տրամադրել ՀՀ կառավարությունը (առ հոկտ. 2)

Ֆինանսավորում.

12.8 միլիոն ԱՄՆ դոլար

է պահանջվում 2023 թվականին, այդ թվում՝ արտակարգ իրավիճակին արձագանքելու համար

Ֆինանսավորված՝ 29%



Պակասող ֆինանսավորում՝ 71%

3.7 միլիոն ԱՄՆ դոլար

է ստացվել առ 2023 թ. հոկտեմբերի 4-ը

ԼՎԻՐԱԲԵՐԵԼ

Իրավիճակի վերաբերյալ թարմացված տվյալներ.

Ընդամենը մեկ շաբաթվա ընթացքում ավելի քան 100,000 փախստական է եկել Հայաստան: Սա երկրի ընդհանուր բնակչության մոտ 3 տոկոսն է կազմում, որը համալրում է ՀՀ-ում բնակություն հաստատած շուրջ 35,000 փախստականների, ապաստան հայցողների ու քաղաքացիություն չունեցողների շարքերը: Փախստականներից շատերն **անհետաձգելի օգնության**, այդ թվում կացարանի, առաջին անհրաժեշտության պարագաների, ինչպես նաև բժշկական և հոգեբանասոցիալական աջակցության կարիք ունեն: Պետական մարմինները երկրի տարբեր տարածքներում հաշվառում են նոր ժամանող փախստականներին, իսկ Հայաստանում որեւէ հարազատ չունեցողներին տրամադրում ժամանակավոր կացարաններ: Առանձնապես մեծ է անհապաղ և երկարաժամկետ օթեանների անհրաժեշտությունը: Կառավարությունը միջազգային և տեղական համայնքների հետ միասնաբար **աշխատում է առավել հրատապ կարիքների բավարարման ուղղությամբ՝ միաժամանակ փորձելով երկարաժամկետ լուծումներ գտնել**, այն է՝ ապահովել բնակարանով, կենսապայմաններով և կրթությամբ:



Արձագանքում արտակարգ իրավիճակին

Պաշտպանություն.

- Արտակարգ իրավիճակի ծագման պահից ի վեր ՄԱԿ ՓԳՀ թիմերն այցելել են Կառավարության կողմից յոթ մարզերում ստեղծված մարդասիրական օգնության համակարգման 30 կենտրոններ, որտեղ փախստականներն են գտնվում: ՄԱԿ ՓԳՀ-ն աջակցում է Կառավարությանը՝ փախստականների հատուկ կարիքների համապարփակ հասցեագրումն ապահովելու համար:
- ՄԱԿ ՓԳՀ-ն տրամադրել է նաև տեխնիկական սարքավորումներ, այդ թվում դյուրակիր համակարգիչներ և պլանշետներ՝ փորձելով նպաստել պետական հաշվառման ու կարիքների գնահատման գործընթացին:

Կացարան և առաջին անհրաժեշտության պարագաներ (ԱԱՊ)

- Հոկտեմբերի 7-ին Հայաստան հասավ նախատեսված 30 բեռնատարներից չորրորդը՝ 17,000 փախստականների համար որպես օգնություն բերելով ծածկույցներ, մահճակալներ և խոհանոցային հավաքածուներ: ՄԱԿ ՓԳՀ-ն այս պարագաները բաշխում է սահմանամերձ բնակավայրերում փախստականներին ընդունած համայնքապետարաններին, ինչպես նաև Երեւանում և մայրաքաղաքամերձ այլ բնակավայրերում:

Համակարգում

Հոկտեմբերի 7-ին թողարկվեց **Փախստականների կարիքներին արձագանքման ծրագիրը (ՓԿԱՄ)**, որտեղ ի մի են բերված 60 գործընկերների (այդ թվում 43 ազգային ՀՎ-ներ) կողմից 2023 թ. հոկտեմբերից մինչև 2024 թ. մարտ ամիսն օգնության տրամադրման միասնական ջանքերը: ՄԱԿ-ը և գործընկերները փորձում են 97 միլիոն ԱՄՆ դոլար հավաքագրել՝ արձագանքելու շուրջ 196,000-ի հրատապ կարիքներին, որից մոտավորապես 101,000-ը փախստականներն են: **ՄԱԿ ՓԳՀ-ի ֆինանսական պահանջները 14.6 միլիոն ԱՄՆ դոլար** է, որի միջոցով կաջակցի փախստականների և ընդունող համայնքների անդամների առաջնային կարիքների բավարարմանը: Ի հավելումն, հոկտեմբերի 8-ին մեկնարկեց **կարիքների արագ գնահատման համատեղ գործընթացը**, որը ձեռնարկել էր ՀՀ աշխատանքի և սոցիալական հարցերի նախարարությունը, ՄԱԿ-ը և այլ մարդասիրական կազմակերպություններ:

ՄԱԿ ՓԳՀ-ն երախտապարտ է դոնոր կառույցներին աջակցության համար. [Բելգիա](#) | [Կանադա](#) | [Դանիա](#) | [Գերմանիա](#) | [Իռլանդիա](#) | [Նիդեռլանդներ](#) | [Նորվեգիա](#) | [Շվեդիա](#) | [Շվեյցարիա](#) | [Միացյալ Թագավորություն](#) | [Ամերիկայի Միացյալ Նահանգներ](#)



ՄԱԿ ՓԳՀ աշխատակիցն օգնում է 43-ամյա Սյուզանային և նրա չորս զավակներին, որոնք մի քանի օրվա ընթացքում Գորիս համայնքում ապաստան գտած հարյուր հազար փախստականներից են: ©UNHCR/Karen Minasyan